

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ**

**ՀԱՅՏԱՐԱՐՈՒԹՅՈՒՆ**

**ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ**

**Բողոքի ծածկագիրը և ամսաթիվը՝** ԳԲՔԱ-ԼՕ-2021/27, 05.04.2021թ.

**Բողոք բերող անձ՝** «Էյ Էմ Փի Ջի գրուպ» ՍՊԸ

**Պատվիրատու՝** ՀՀ պետական եկամուտների կոմիտե

**Գնման ընթացակարգի ծածկագիրը՝** «ՊԵԿ-ԲՄԱՇՁԲ-21/1» բաց մրցույթ

**Գնման առարկան՝** Ակցիզային դրոշմանիշերի և դրոշմապիտակների տպագրության աշխատանքների ձեռքբերում

**Բողոքի պահանջը՝** Պարտավորեցնել «ՊԵԿ-ԲՄԱՇՁԲ-21/1» ծածկագրով բաց մրցույթի գնահատող հանձնաժողովին՝ կասեցնել գնահատման նիստը և գնահատման գործընթացը, անբավարար գնահատել և մերժել այն մասնակիցների հայտերը, որոնք գնահատող հանձնաժողովի 2020թ.-ի մարտի 15-ի որոշմամբ սահմանված ժամկետում չեն շտկել անհամապատասխանությունները և չեն ներկայացրել հայտի ապահովում, որը կբավարարի օրենսդրությամբ սահմանված պահանջներին:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ  
ՔԱՐՏՈՒՂԱՐ՝ Ռ. ՄԿՐՏՉՅԱՆ**


**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

➢ 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով

համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը գրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

➤ 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:



Activity address: 82 Bagrevand str., Yerevan 0062, Republic of Armenia. Tel.: (+374 10) 64 82 29, (+374 10) 64 38 43; Fax: (+374 10) 64 34 83  
E-mail: ampg@ampg.am Web site: www.ampg.am



COMMERCIAL & SECURITY PRINTING

# AM-PG GROUP

Legal address: 25 Charents str., Yerevan 0025, Republic of Armenia  
Tel.: (+374 10) 55 26 14, Fax: (+374 10) 55 61 83

ՀՀ գնումների հետ կապված բողոքներ քննող անձին

Ք: Երևան Հայաստանի Հանրապետություն,

0010, Մելիք-Աղամյան 1

Բողոք քերող՝ <Եյ Էմ Փի Ձի գրուպ> ՍՊԸ

Հասցե՝ ք: Երևան Բագրևանդի 82

Պատվիրատու՝ ՀՀ ՊԵԿ

Հասցե՝ ք: Երևան, Մ. Խորենացի 3.7

Գնման առարկան և ծածկագիրը՝

**«ԾԽԱԽՈՏ», «ԱԼԿՈՆՈԼԱՅԻՆ ԽՄԻՉՔ» ՏԵՍԱԿՆԵՐԻ ԱԿՑԻԶԱՅԻՆ ԴՐՈՇՄԱՆԻՇԵՐԻ ԵՎ ԴՐՈՇՄԱՊԻՏԱԿՆԵՐԻ ՏՊԱԳՐՈՒԹՅԱՆ ԱՇԽԱՏԱՆՔՆԵՐԻ ՁԵՌՔԲԵՐՈՒՄ**

**ԾԱԾԿԱԳԻՐ՝ ՊԵԿ-ԲՄԱՇՁԲ-21/1**

## ԲՈՂՈՔ

Գնահատող հանձնաժողովին որոշում րնդունելուն պարտավորեցնելու պահանջի մասին

**ՊԵԿ-ԲՄԱՇՁԲ-21/1** ծածկագրով գնումների էլեկտրոնային (ARMEPS) համակարգի միջոցով բաց մրցույթի հրավերով հայտ են ներկայացրել երեք ընկերություն՝

- Սույն բողոքը ներկայացրած <Եյ Էմ Փի Ձի գրուպ> ՍՊԸ-ն,
- Ենթակապալի պայմանագիր կնքելու միջոցով OAO <ANY Biztonsagi Nyomada>, ЗАО <Codex Ertekpapirnyomada>-ն և,
- <ԻՍՓՈՐԹԷՑՋԼՍԻ> ՍՊԸ-ն:

Սույն բողոքի համար կարևոր նշանակություն ունեն մի շարք փաստական հանգամանքներ.

1. ՀՀ պետական եկամուտների կոմիտեի գլխավոր քարտուղարի 25.01.2021 թվականի N 27/1-Ա հրամանով ձևավորված գնահատող հանձնաժողովի (այսուհետ՝ Հանձնաժողով) առաջին նիստը տեղի ունեցավ սույն թվականի մարտի 9-ին:

Հանձնաժողովը որոշեց հայտերի ուսումնասիրման նպատակով նիստը կասեցնել և այն վերսկսել 2021 թվականի մարտի 15-ին:

ՀՀ կառավարության 2017 թվականի մայիսի 4-ի N 526-Ն որոշմամբ հաստատված <Գնումների գործընթացի կազմակերպման> կարգի (այսուհետ՝ Կարգ) 32-րդ կետի ե/ ենթակետի համաձայն՝

*<Եթե հայտի ապահովումը ներկայացվում է բանկային երաշխիքի ձևով, ապա գնման ընթացակարգն էլեկտրոնային եղանակով կազմակերպված լինելու դեպքում ներկայացվում է երաշխիքի բնօրինակից արտատպված (սկանավորված) տարբերակը՝ պայմանով, որ դրա բնօրինակը գնահատող հանձնաժողովին ներկայացնում է մինչև հայտերի ներկայացման վերջնաժամկետը լրանալուն հաջորդող աշխատանքային օրվա երևանի ժամանակով 17:00-ն՝ ուղեկցող գրությամբ>*

Չետևաբար, չնայած որ մարտի 9-ի Հանձնաժողովի նիստի Արձանագրությունում երաշխիքի մասին հիշատակում չկա, ողջամիտ կասկածից վեր է որ՝

- Հանձնաժողովը արդեն մարտի 9-ին գիտեր, որ մասնակիցներից երկուսի՝ <ԻՄՓՈՐԹԵՅՁՆՍԻ> ՍՊԸ-ի և Ենթակապալի պայմանագիր կնքելու միջոցով ՕԱՕ <ANY Biztonsagi Nyomada>-ի ներկայացրած հայտի ապահովումը չի բավարարում օրենսդրության պահանջներին, և
- Այդ մասնակիցները պետք է հայտի ապահովման բնօրինակը ներկայացնեին մինչև հաջորդ աշխատանքային օրվա 17.00-ն. ***Անվիճելի փաստ է, որ Կարգի այս պարտադիր պայմանը չի պահպանվել:***

2. Հանձնաժողովի հաջորդ նիստը տեղի ունեցավ 2021 թվականի մարտի 15-ին, առավոտյան ժամը 10.00-ին: Հանձնաժողովն արձանագրեց, որ՝

- սույն բողոքը ներկայացրած կազմակերպության՝ <Եյ ԷՄ ՓԻ ՋԻ գրուպ> ՍՊԸ-ի ներկայացրած փաստաթղթերը կազմված են հրավերի պայմաններին համապատասխան,
- <ANY Biztonsagi Nyomada>-ի կողմից ներկայացված բանկային երաշխիքի գումարը հավասար չէ մասնակցի գնային առաջարկի հինգ տոկոսին,
- Իսկ <ԻՄՓՈՐԹԵՅՁՆՍԻ> ՍՊԸ-ն հայտի ապահովում ընդհանրապես չի ներկայացրել:

Հանձնաժողովը որոշեց որ ***մեկ*** աշխատանքային օրով կասեցնում է նիստը, իսկ Հանձնաժողովի քարտուղարը նույն օրը, այսինքն մարտի 15-ին, համակարգի միջոցով տեղեկացնում է <ANY Biztonsagi Nyomada>-ին և <ԻՄՓՈՐԹԵՅՁՆՍԻ> ՍՊԸ-ին,



առաջարկելով մինչև կասեցման ժամկետի ավարտը շտկել անհամապատասխանությունը:

Նիստը որոշվեց վերսկսել նույն թվականի մարտի 17-ին, ժամը 10.00-ին:

3. 2021 թվականի մարտի 16-ին <ԻՄՓՈՐԹԵՅՁՆՍԻ> ՍՊԸ-ն ՀՀ գնումների հետ կապված բողոքներ բնուող անձին (այսուհետ՝ Բողոք բնուող անձ) բողոք ներկայացրեց պահանջելով պարտավորեցնել Հանձնաժողովին ընդունել գնահատման նիստը կասեցնելու և հայտում անհամապատասխանությունները շտկելու առաջարկ անելու մասին որոշում:

**Կարևոր է նշել,** և դա ապացուցում է նաև Բողոք բնուող անձի 2021 թվականի մարտի 26-ի որոշումն այդ բողոքով, որ <ԻՄՓՈՐԹԵՅՁՆՍԻ> ՍՊԸ-ի բողոքն ակնհայտ անհիմն էր և ուներ միայն գնման գործընթացը կասեցնելու նպատակ, և բողոքը բերած ընկերությունը որոշամտորեն չէր կարող դա չհասկանալ, քանի որ ի սկզբանե կարծես թե հայտի ապահովում ներկայացնելու մտադրություն չի էլ ունեցել:

**Կարևոր է նաև նշել,** որ չնայած <Գնումների մասին> ՀՀ Օրենքի 50-րդ հոդվածի 9-րդ մասի համաձայն Բողոք բնուող անձը հայտարարությունը հրապարակում է բողոքն ստանալու օրվանից հաշված՝ մեկ աշխատանքային օրվա ընթացքում, այդ դեպքով հայտարարությունը հրապարակվեց հենց նույն օրը՝ մարտի 16-ին, արդեն ոչ աշխատանքային ժամի՝ երեկոյան 18.10 ժամին:

4. 2021 թվականի մարտի 17-ին ժամը 10.00 –ին նիստին, բնականաբար, հիմք ընդունելով <Գնումների մասին> ՀՀ օրենքի դրույթները, գնումների գործընթացը կասեցվեց: Հանձնաժողովի հաջորդ նիստը հրավիրվեց բողոքարկման վերաբերյալ ընդունված որոշման տեղեկագրում հրապարակման հաջորդ օրը:

5. «ԻՄՓՈՐԹ ԵՅՁՆՍԻ» ՍՊԸ-ի կողմից 16.03.2021թ. ներկայացված բողոքի բնույթյան նպատակով հրավիրված նիստը տեղի պետք է տեղի ունենար 23.03.2021թ. ժամը 09:40-ին, ք. Երևան, Մելիք Ադամյան 1 հացեում, 1-ին հարկի դահլիճում:

Չնայած այն հանգամանքին, որ ՀՀ ֆինանսների նախարարի 2018 թվականի դեկտեմբերի 6-ի N 600-Ն հրամանով հաստատված Գնումների հետ կապված բողոքներ բնուող անձի գործունեության կարգի 16-րդ կետի համաձայն բողոքարկման ընթացակարգում ներգրավված կողմերի կամ նրանց մի մասի նիստին չներկայանալու հանգամանքը հիմք չէ նիստի օրակարգում ներառված հարցերի բնարկումը հետաձգելու համար, իսկ «ԻՄՓՈՐԹ ԵՅՁՆՍԻ» ՍՊԸ-ն պատշաճ կարգով տեղեկացված է եղել, մարտի 23-ի նիստը, անհայտ պատճառով հետաձգվեց և տեղի ունեցավ մարտի 26-ին ժամը 9.10 ժամին:

6. Բողոք բնուող անձն իր 26.03.2021 թվականի որոշմամբ մերժեց բողոքը:

7. Եվս մի կարևոր հանգամանք, <ANY Biztonsagi Nyomada> ընկերության ներկայացրած հայտի ապահովումը ևս չէր բավարարում օրենսդրության պահանջներին. Մենք չունենք հստակ տեղեկատվություն, արդյոք այդ ընկերությունն ի վերջո կատարել է Հանձնաժողովի 15.03.2021 թվականի որոշումը և շտկել է անհամապատասխանությունը ներկայացնելով օրենսդրության համապատասխան երաշխիք, թե ոչ: Մինչդեռ, վերը

Նկարագրված փաստերի լույսի ներքո, այս հանգամանքը էական նշանակություն ունի սույն բողոքով որոշման կայացման և սույն գնման ամբողջ գործընթացի իրավաչափության համար: Առավել ևս հաշվի առնելով այն հանգամանքը, որ «ԻՄՓՈՐԹ ԷՅՋՆՍԻ» ՍՊԸ-ն, որը բողոք էր ներկայացրել, հայտի ապահովում այդպես էլ չի ներկայացրել:

Այսինքն, ողջամիտ կասկածից վեր է ու անվիճելի, որ գնման գործընթացը կասեցնելու «ԻՄՓՈՐԹ ԷՅՋՆՍԻ» ՍՊԸ-ի ջանքերի միակ շահառուն, որքան էլ զարմանալի է, ոչ թե «ԻՄՓՈՐԹ ԷՅՋՆՍԻ» ՍՊԸ-ն է, այլ հավանաբար <ANY Biztonsagi Nyomada> ընկերությունը:

Մեր կարծիքով, վերը նկարագրված փաստերն անվիճելիորեն հանգեցնում են գնումների մասին օրենսդրության մի շարք կոպիտ խախտումների, որոնց ստորև մանրամասն անդրադառնալու ենք, մասնավորապես՝

Ա. Հանձնաժողովի 15.03.2021 թվականի նիստի Արձանագրության համաձայն, Հանձնաժողովը որոշել է **մեկ** աշխատանքային օրով կասեցնում է նիստը, իսկ Հանձնաժողովի քարտուղարը նույն օրը, այսինքն մարտի 15-ին, համակարգի միջոցով տեղեկացնում է <ANY Biztonsagi Nyomada>-ին և <ԻՄՓՈՐԹ ԷՅՋՆՍԻ> ՍՊԸ-ին, առաջարկելով մինչև կասեցման ժամկետի ավարտը շտկել անհամապատասխանությունը:

Կարգի 41 և 42-րդ կետերի համաձայն՝

<41. Եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը: >...

<42. Եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: Հակառակ դեպքում տվյալ մասնակցի հայտը գնահատվում է անբավարար և մերժվում է, ներառյալ եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում (այս կետը որպես ժամկետ նշում է ժամը 17.00-ն) չի ներկայացնում հայտի ապահովման բնօրինակը, իսկ ընտրված մասնակից է ճանաչվում հաջորդող տեղ զբաղեցրած մասնակիցը:>

Հետևաբար, հաշվի առնելով այն, որ և <Գնումների մասին> ՀՀ օրենքը և Կարգը, խոսում են <մեկ աշխատանքային օրով կասեցնելու> մասին, աշխատանքային օրը ավարտվում է 18.00-ին, իսկ ըստ Հանձնաժողովի վերը հիշատակված որոշմամբ մասնակիցներին

տեղեկացվել է մարտի 15-ին, ապա կասեցման ու շտկման մեկ աշխատանքային օրն ավարտվում է մարտի 16-ին՝ աշխատանքային օրվա ավարտին, այսինքն 18.00-ին:

Մենք պնդում ենք, որ <Գնումների մասին> ՀՀ օրենքի և Կարգի համաձայն, 2021 թվականի մարտի 15-ի որոշմամբ սահմանված անհամապատասխանությունների շտկման մեկ աշխատանքային օրվա ավարտից, այսինքն մարտի 16-ի ժամը 18.00 ից հետո, պետք է մերժվի այն մասնակցի կամ մասնակիցների հայտը, որը չի ներկայացրել օրենսդրության պահանջներին համապատասխանող հայտի ապահովում:

Բ. <ԻՄՓՈՐՏԵՑՁՆՍԻ> ՍՊԸ-ն բողոքը ներկայացրել է 2021 թվականի մարտի 16-ին: <Գնումների մասին> ՀՀ օրենքի 50-րդ հոդվածի 9-րդ մասի համաձայն՝

*<Բողոքն ստանալու օրվանից հաշված՝ մեկ աշխատանքային օրվա ընթացքում, այդ մասին գնումների հետ կապված բողոքներ քննող անձը հայտարարություն է հրապարակում տեղեկագրում՝ նշելով հրապարակման ամսաթիվը>:*

Մեր դեպքում, Բողոքը քննող անձը հայտարարությունը տեղադրել է մարտի 16-ին ժամը 18.10 րոպեին, աշխատանքային օրվա ավարտից հետո:

Մենք պնդում ենք, որ՝ Բողոք բերող անձն իրավունք չունի աշխատանքային օրվա ավարտից հետո հրապարակել հայտարարությունը:

Բացի դրանից, ակնհայտ է, որ բողոքը ներկայացրած <ԻՄՓՈՐՏԵՑՁՆՍԻ> ՍՊԸ-ն, Հանձնաժողովի մարտի 15-ի որոշմամբ իրեն տրված մեկ աշխատանքային օրվա ժամկետում անհամապատասխանությունը շտկելու պարտականությունը կատարելու նպատակ նույնիսկ չի ունեցել:

Ընկերությունը չնայած տեղեկացված է եղել այդ մասին, սակայն հայտի ապահովում ներկայացնելու փոխարեն որոշել է <Գնումների մասին> ՀՀ Օրենքի 51-րդ հոդվածով ընձեռնված հնարավորությունը ոչ իրավաչափ օգտագործելու միջոցով կասեցնել գնման գործընթացը:

Մենք պնդում ենք նաև, որ Բողոք քննող անձի կողմից հայտարարությունը աշխատանքային օրվա ավարտից հետո հրապարակելու պատճառը ողջամիտ կասկածից վեր է:

Լյդպիսի <շտապողականությանը> միայն մի բացատրություն ունի, փորձել ուշադրությունը շեղել այն հանգամանքից, որ մասնակիցները չեն կատարել հայտի ապահովումը ներկայացնելու իրենց պարտավորությունը, և աղավաղելով ու չարաշահելով օրենսդրության կարգավորումները, ոչ իրավաչափորեն կասեցնել գնման գործընթացը:

Ընդ որում, բանի որ <ԻՄՓՈՐՏԵՑՁՆՍԻ> ՍՊԸ-ն հայտի ապահովում այդպես էլ չի ներկայացրել և նման մտադրություն ի սկզբանե կարծես թե չի ունեցել, մենք ողջամտորեն իրավունք ունենք պնդել, որ <ԻՄՓՈՐՏԵՑՁՆՍԻ> ՍՊԸ-ի և Բողոք բերող անձի գործողությունները, առնվազն անուղղակիորեն, ուղղված են եղել աջակցելու երրորդ



մասնակցին՝ <ANY Biztonsagi Nyomada> ընկերությանը, որը հավանաբար ևս այդ պահին՝ մարտի 16-ին, չէր ներկայացրել օրենքով պահանջվող երաշխիքը:

9. Ինչպես վերը նկարագրված փաստերից երևում է, Բողոք քննող անձը մարտի 23-ի նիստը, գործնականում առանց ողջամիտ հիմնավորման, հետաձգել է մինչև մարտի 26-ը: Հաշվի առնելով այն հանգամանքը, որ հետաձգման որևէ հիմնավորում չկա, ինչպես նաև այն, որ ՀՀ ֆինանսների նախարարի 2018 թվականի դեկտեմբերի 6-ի N 600-Ն հրամանով հաստատված Գնումների հետ կապված բողոքներ քննող անձի գործունեության կարգի համաձայն բողոքարկման ընթացակարգում ներգրավված կողմերի կամ նրանց մի մասի նիստին չներկայանալու հանգամանքը հիմք չէ նիստի օրակարգում ներառված հարցերի քննարկումը հետաձգելու համար, մենք պնդում ենք, որ Բողոք քննող անձը չարաշահել է իր հայեցողությունը: Արդյոք այդ հետաձգումը չի կատարվել այն պատճառով, որ որևէ մասնակից, օրինակ <ANY Biztonsagi Nyomada> ընկերությունը, մարտի 23-ին դեռ չէր հասցրել ներկայացնել օրենսդրությամբ պահանջվող պատշաճ հայտի ապահովում՝ և կարիք կար ևս մի քանի օր գնման գործընթացը կասեցրած պահելու՝:

7. <Գնումների մասին> ՀՀ Օրենքի 3-րդ հոդվածը սահմանում է գնումների գործընթացի սկզբունքները.

<2. Գնումների գործընթացը հիմնվում է հետևյալ սկզբունքների վրա.

- 1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.
- 2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.
- 3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ բաղաբացիություն չունեցող անձ լինելու հանգամանքից, գնման գործընթացին մասնակցելու իրավահավասարություն: >:

Մենք պնդում ենք, որ Հանձնաժողովի և Բողոքը քննող անձի կողմից խախտվել են բոլոր այդ սկզբունքները:

Մասնավորապես՝ մեր ընկերությունը ի սկզբանե, ներկայացրել է օրենսդրությամբ պահանջվող բոլոր փաստաթղթերը, ներառյալ հայտի ապահովումը, որի համար էական ծախսեր է կատարել:

Մինչդեռ մյուս երկու մասնակիցները ոչ միայն չեն ներկայացրել պատշաճ հայտի ապահովում, այլ նաև չեն կրում դրա համար օրենքով սահմանված որևէ բացասական հետևանք՝

- Նրանց հայտերը դեռ մերժված չեն, քանի որ գնման գործընթացը ոչ իրավաչափորեն կասեցվել է,



- Իսկ մեր ընկերությունը, շարունակում է իր օրինապահ վարքագծի արդյունքում տուժել, կրելով հայտի ապահովման՝ երաշխիքի, ծախսերը:

Մյուս երկու մասնակիցների այդպիսի ոչ իրավաչափ վարքագիծը գործնականում խրախուսվում ու օժանդակվում է Հանձնաժողովի և Բողոքը քննող անձի կողմից:

Այնուհայտ է, որ տվյալ դեպքում գործ ունենք մեր ընկերության նկատմամբ ակնհայտ խտրական, ոչ մրցակցային և ոչ համաչափ վերաբերմունքի և գնման գործընթացի հետ:

Ընդ որում, և այս փաստի կարևորությունը ևս մեկ անգամ ցանկանում ենք ընդգծել, <ANY Biztonsagi Nyomada> ընկերությունը, ով այս ամբողջ ընթացքում <պասսիվություն է> դրսևորում, զարմանալի զուգադիպությունների արդյունքում հանդիսանում է միակ մասնակիցը, ով շահում է այսպիսի գնման գործընթացից:

Այս առումով, մենք պնդում ենք նաև, որ խախտվել է նաև գնման գործընթացի թափանցիկությունը և հրապարակայնությունը: Մասնավորապես, սույն բողոքի քննության և սույն գնման գործընթացի իրավաչափության գնահատման համար որոշիչ ու էական նշանակություն ունեն առևձայն հետևյալ հանգամանքները՝

- Երբ և քանի անգամ է <ANY Biztonsagi Nyomada> ընկերությունն տեղեկացել որ իր ներկայացրած երաշխիքը չի համապատասխանում օրենսդրության պահանջներին, ինչ եղանակով է տեղեկացել և ումից՝,
- Ինչպես է արձագանքել <ANY Biztonsagi Nyomada> ընկերությունը այդ տեղեկացումներին, արդյոք ինչ որ պատասխան ներկայացրել է՝
- Երբ է ի վերջո <ANY Biztonsagi Nyomada> ընկերությունը ներկայացրել պատշաճ երաշխիք,
- Արդյոք Հանձնաժողովը, Պատվիրատուն կամ Բողոք քննող անձը տեղյակ են եղել որ <ANY Biztonsagi Nyomada> ընկերությունը չի կարողանալու 2021 թվականի մարտի 16-ին մինչև Հանձնաժողովի սահմանած ժամկետի ավարտը ներկայացնել օրենսդրությամբ պահանջվող պատշաճ երաշխիքը:

Ի լրումն վերոգրյալի, հայտնում ենք նաև, որ մեր ընկերությունը, իր իրավունքների խախտման այսպիսի իրավիճակի պահպանման պարագայում, պատրաստվում է օգտվել <Գնումների մասին> ՀՀ օրենքի 46-րդ հոդվածի 4-րդ մասով սահմանված իր իրավունքից, այն է՝ դատական կարգով պահանջելու հատուցել իր կրած վնասներն, այդ թվում բաց թողնված օգուտը, որոնք մենք կրում ենք և վստահաբար կրելու ենք Հանձնաժողովի, Բողոքը քննող անձի և Պատվիրատուի գործողությունների ու անգործությունների արդյունքում:

Ամփոփելով և հաշվի առնելով <Գնումների մասին> ՀՀ Օրենքի, Կարգի, ՀՀ ֆինանսների նախարարի 2018 թվականի դեկտեմբերի 6-ի N 600-Ն հրամանով հաստատված Գնումների հետ կապված բողոքներ քննող անձի գործունեության կարգի վերը նկարագրված կոպիտ խախտումները, գնումների հետ կապված բողոք քննող անձին՝

Խնդրում ենք՝

Բողոքը բավարարել, պարտավորեցնել ՊԵԿ-ԲՄԱՇՁԲ-21/1 ծածկագրով գնահատող հանձնաժողովին կասեցնել գնահատման նիստը և գնահատման գործընթացը և պարտավորեցնել Հանձնաժողովին անբավարար գնահատել ու մերժել այն մասնակիցների հայտերը, ովքեր Հանձնաժողովի 2021 թվականի մարտի 15-ի որոշմամբ սահմանված ժամկետում չեն շտկել անհամապատասխանությունները և չեն ներկայացրել հայտի ապահովում որը կբավարարի օրենսդրությամբ սահմանված պահանջներին:

Բողոքը բավարարելու դեպքում խնդրում եմ մեր կողմից նախապես վճարված 30.000 ՀՀ դրամ բողոքարկման վճարը հետ փոխանցել ԱՇԲ ՓԲԸ -բանկում 2480101710850100 բանկային հաշվին:

Բոլոր պնդումները և փաստարկները, որոնք մենք ներկայացրել ենք, հիմնված են հրապարակային և Բողոքը քննող անձի համար հասանելի՝ գնման գործընթացի շրջանակներում եղած փաստաթղթերի վրա, այս առումով, առնվազն այս պահին լրացուցիչ ապացույցներ ներկայացնելու անհրաժեշտություն, և հետևաբար կից ներկայացնում ենք՝

Բողոքի վճարման փաստը հավաստող փաստաթուղթը

Ընկերության տնօրենի անձնագրի պատճեն

“ Եյ Էմ Փի Ձի գրուպ ” ՍՊԸ-ի

Տնօրեն

Ա. Թարոյան

Digitally signed by TAROYAN  
ALBERT 2108700226  
Date: 2021.04.05 08:27:20  
AMT